

796 ex. —  
797 in.

DOMINO PISSIMO ET PRAESTANTISSIMO ET OMNI HONORE DIGNISSIMO DAVID<sup>a</sup> REGI  
FLACCUS ALBINUS VERA<sup>b</sup> BEATITUDINIS AETERNAM IN CHRISTO SALUTEM.

Dulcedo sanctae dilectionis vestrae omnibus horis et momentis aviditatem pectoris mei habundanter<sup>c</sup> reficit; et decoris vestri facies, quam<sup>d</sup> saepius amabiliter considerare solebam, totas memoriae meae venas cum magna iocunditate desiderabiliter implet; et quasi multarum in corde divitiarum species vestrae bonitatis nomen et aspectus reconditur.

Ideo magna mihi est iocunditas vestrae dulcissimae prosperitatis audire laetitiam<sup>1</sup>. Ad quam etiam cognoscendam hunc puerulum, ut scitis<sup>e</sup>, parvitas meae clientulum<sup>f</sup> direxi<sup>2</sup>; quatenus in salute sublimitatis vestrae in gratiarum actionibus<sup>g</sup> laetus conlaudem<sup>h</sup> misericordiam domini dei<sup>i</sup> nostri Iesu<sup>k</sup> Christi. Non solum ego ultimus servulus Salvatoris nostri congaudere deo prosperitati et exaltationi<sup>1</sup> clarissimae potestatis vestrae. Sed tota sancta Dei ecclesia unanimo<sup>m</sup> caritatis concentu<sup>n</sup> gratias agere domino Deo omnipotenti debet; qui tam pium prudentem et iustum his novissimis mundi<sup>o</sup> et periculosissimis<sup>p</sup> temporibus populo christiano<sup>q</sup> perdonavit clementissimo munere rectorem atque defensorem; qui prava corrigere et recta corroborare<sup>r</sup> et sancta sublimare omni intentione studeat, et nomen domini Dei excelsi per multa terrarum spatia dilatare gaudeat, et catholicae fidei lumen in extremis<sup>s</sup> partibus incendere conetur. Haec est, o<sup>t</sup> dulcissime David, gloria laus et merces tua in iudicio diei magni et in perpetuo sanctorum consortio, ut diligentissime populum, excellentiae vestrae a Deo commissum, corrigere studeas, et ignorantiae tenebris diu animas obcaecatas ad lumen verae fidei deducere coneris. Numquam optimis voluntatibus vel bonis conatibus remuneratio divina deerit; sed qui plus laborat in voluntate Dei, plus mercedis<sup>u</sup> recipiet<sup>v</sup> in regno Dei. Tempus huius vitae velociter currit fugit et non revertitur<sup>w</sup>; ineffabilis vero Dei pietas humano praevidebat generi breviter laborare et aeternaliter coronari. Ideo pretiosa nobis debent esse tempora, ne perdamus per negligentiam<sup>x</sup>, quod per bonae vitae exercitium habere poterimus<sup>y</sup> aeternum<sup>z</sup>. Nec tantum diligere aliquid poterimus<sup>a</sup> in terra, quantum beata<sup>b</sup> amabitur<sup>c</sup> requies in caelo. Quam qui tunc habere concupiscat<sup>d</sup>, bonis nunc operibus promereri contendat. Omnibus itaque communiter regni caelestis ianua patescit, sed illis intrare conceditur, qui cum multiplici bonitatis fructu ad eam venire<sup>e</sup> festinant.

Ego vero<sup>b</sup> Flaccus vester secundum exhortationem et bonam voluntatem vestram<sup>f</sup> aliis per tecta sancti Martini sanctarum mella<sup>g</sup> scripturarum ministrare satago<sup>3</sup>; alios vetere<sup>h</sup> antiquarum disciplinarum mero inaebrare<sup>i</sup> studeo; alios grammaticae<sup>k</sup> subtilitatis enutrire pomis incipiam; quosdam stellarum ordine ceu<sup>l</sup> picto<sup>m</sup> cuiuslibet<sup>n</sup>

a) Davit K 2. b) vestrae K, A 1\*. c) abundanter T\*, K 2, A 1\*. d) qua suos amabiliter considerare solet K 1, A 1\*; quam suos amabiliter consolebat K 2, ubi alia manus superscripsit considerare; in T nunc nihil legitur nisi quam . . . . . considerare solebam; quam saepius amabiliter considerare solebam T\*. e) satis K 1. f) clientellum T\*. g) accione K 2; actione A 1\*. h) laudem K 2. i) om. T, K 2. k) om. A 1\*. l) exaltatione K 2. m) unanimo corr. in -mi A 1\*. n) consensu corr. in concentu A 1\*. o) mundi et om. K 1; mundi om. A 1\*. p) periculosissimis T. q) cristiano T\*. r) corroborare T\*, A 1\*. s) mundi add. T\*. t) om. A 1\*. u) mercedes T. v) accipiet A 1\*. w) respicit K, A 1\*; locus recisus in T; revertitur T\*. x) neglienciam K 2. y) potuerimus K; potuissimus A 1\*. z) aeternum — poterimus om. K 1. a) potuerimus K 2; debemus A 1\*. b) om. K, A 1\*. c) amanda est A 1\*. d) concupiscit K, A 1\*. e) om. K 2. f) nostram K 2. g) in olla K 2. h) corr. in veteri K 1; veteri A 1\*. i) inebriare T\*, inhebr. K 2. k) crammaticę K 2. l) seu A 1\*. m) pictor K 1. n) cuilibet K 1, T\* (vox excisa est in T).

te iubente, beatissime pontifex Beornrade, conscripsi: qui tanto patri et summi sacerdotii dignitate et generis posteritate et sanctorum locorum observatione . . . heres dignissimus extitisti. Cf. supra p. 93.

1) sanitatem restitutam. Cf. post paulo verbo haec: ad quam cognoscendam et in salute sublimitatis vestrae. De Caroli morbo v. ep. 118 supra p. 173. 2) Fredegisum, cf. infra ep. 148. 3) Cf. infra ep. 172: Ego itaque, licet parum proficiens, cum Turonica cotidie pugno rusticitate.